

Broj: 01-02/2-2455/23 SK
Sarajevo, 01.08.2023. godine

**BOSNA I HERCEGOVINA
FEDERACIJA BOSNE I HERCEGOVINE
Parlament Federacije BiH
Predstavnički dom
n/r Ivan Miličević, sekretar
n/r Sanel Kajan, zastupnik**

Bosna i Hercegovina
Federacija Bosne i Hercegovine
**PARLAMENT FEDERACIJE
SARAJEVO**

Primijeno: 07-08-2023			
Org. jed.	Broj	Priloga	Vrijednost
05/1	-02-	228	123

PREDMET: Odgovor na poslaničko pitanje, **dostavlja se-**
Veza: Vaš akt broj: 05/1-02-228/23 od 10.07.2023. godine

Poštovani,

Vašim aktom broj i datum veze, Federalnom ministarstvu rada i socijalne politike, putem Vlade Federacije BiH, radi odgovora u skladu sa nadležnostima, dostavljeno je poslaničko pitanje koje je na 7. vanrednoj sjednici Predstavničkog doma Parlamenta Federacije BiH, održanoj 06.07.2023. godine, postavio zastupnik Sanel Kajan, a koje glasi: „Vlada Federacije BiH smjenila je ili kako je to sada popularno reći razriješila je dužnosti Zijada Krmjića s pozicije direktora Zavoda PIO.....Dakle, ako je smijenjen direktor Zavoda PIO zašto to isto nije urađeno i sa njegovim zamjenikom?“ U vezi sa navedenim pitanjem ističemo sljedeće:

Odredbama člana 10. Zakona o organizaciji penzijskog i invalidskog osiguranja Federacije Bosne i Hercegovine ("Službene novine Federacije BiH", broj: 49/00, 32/01 i 18/05) propisano je da Federalnim zavodom za penzijsko/mirovinsko i invalidsko osiguranje rukovodi direktor, koji predstavlja i zastupa Federalni zavod za penzijsko/mirovinsko i invalidsko osiguranje. Nadalje članom 11. navedenog zakona propisano je da direktora imenuje i razrješava Vlada Federacije Bosne i Hercegovine. U skladu sa navedenim, Vlada Federacije Bosne i Hercegovine je donijela Rješenje o imenovanju direktora Federalnog zavoda za penzijsko i invalidsko osiguranje V.broj: 887/2019 od 31.07.2019. godine ("Službene novine Federacije BiH", broj: 55/19), na period od četiri godine. Također, Vlada Federacije BiH je na svojoj 7. redovnoj sjednici održanoj dana, 04.07.2023. godine donijela je i Rješenje o razrješanju direktora Federalnog zavoda za penzijsko i invalidsko osiguranje.

Naime, Ured za reviziju institucija FBiH u julu 2022. godine, sačinio je konačan izvještaj o izvršenoj reviziji Federalnog zavoda za penzijsko/mirovinsko i invalidsko osiguranje za 2021. godinu, broj: 01-02-06- 11-1-3509-7/21. S tim u vezi, po pitanju finansijskog dijela revizije konstatovano je da godišnji finansijski izvještaji nisu sačinjeni i dostavljeni nadležnim institucijama u skladu sa Zakonom o budžetima u FBiH, Uredbom o računovodstvu budžeta u FBiH i Pravilnikom o finansijskom izvještavanju i godišnjem obračunu budžeta u FBiH. Naime, Bilans stanja, kao dio Godišnjih finansijskih izvještaja za 2021. godinu, ne odražava bilansnu ravnotežu za 61.060.718 KM i kao takav dostavljen je Finansijsko-informatičkoj agenciji. Finansijsko

informatička agencija je o tome obavijestila Federalni zavod, uz zahtjev da se izvrši ispravka, po kojem nije postupljeno, već je dostavljeno obrazloženje zbog čega ispravka nije izvršena (tačka 7. Izvještaja). Dalje, u dijelu revizije uskladenosti, Ured za reviziju institucija FBiH dao je mišljenje s rezervom, radi sljedećih propusta:

- Rješavanja o pravima osiguranika iz penzijskog i invalidskog osiguranja u prvom i drugom stepenu nisu u svim slučajevima završena u rokovima propisanim Zakonom o upravnom postupku. Također, presude nadležnih sudova, vraćene na ponovni postupak Federalnom zavodu, nisu rješavane u roku utvrđenom Zakonom o upravnim sporovima (tačka 5.2 Izvještaja).
- Pravilnikom o radu Federalnog zavoda utvrđeno je puno radno vrijeme od 37,5 sati sedmično, koje se raspoređuje na pet radnih dana. Zakonom o radu definisano je da puno radno vrijeme traje 40 sati sedmično, ako zakonom, kolektivnim ugovorom, pravilnikom o radu ili ugovorom o radu nije utvrđeno u kraćem trajanju. S obzirom na to da je revizijom utvrđeno neizvršavanje poslova iz nadležnosti, odnosno dodijeljenih radnih obaveza i zadataka u zakonski utvrđenim rokovima, smatramo neprimjerenim trajanje radnog vremena kraće od 40 sati sedmično (tačka 4. Izvještaja);
- Zakonom o organizaciji penzijskog i invalidskog osiguranja u FBiH regulisano je poslovanje Federalnog zavoda, zbog čega je postojala potreba da se prije prelaska na trezorsko poslovanje izvrši usklađivanje ovog Zakona, Zakona o penzijskom i invalidskom osiguranju, Zakona o budžetima u FBiH i Zakona o trezoru u FBiH. Navedeno je imalo za posljedicu da u Glavnoj knjizi Trezora nije osigurano evidentiranje i praćenje prihoda i rashoda namijenjenih za isplatu penzija i rad Federalnog zavoda, naročito prihoda iz Budžeta FBiH kojim se finansiraju penzije ostvarene po povoljnim uslovima, odnosno Glavna knjiga ne sadrži informacije o izvorima i utrošku sredstava u skladu s važećim zakonskim propisima (tačka 5.1 Izvještaja);
- Federalni zavod ne posjeduje vjerodostojnu dokumentaciju o vlasništvu ili pravu korištenja poslovnih prostora iskazanih u poslovnim knjigama na 31. 12. 2021. godine u iznosu od 6.273.189 KM sadašnje vrijednosti (tačka 7.2.2 Izvještaja).

Pored ne postupanja po presudama nadležnih sudova koje su vraćene na ponovni postupak nije postupano ni po pravosnažnim presudama nadležnih sudova.

Federalnim zavodom za penzijsko/mirovinsko i invalidsko osiguranje, u skladu sa navedenim zakonom i općim aktima Federalnog zavoda za penzijsko/mirovinsko i invalidsko osiguranje, rukovodi direktor koji je odgovoran za rad i zakonitost rada Zavoda u cjelini, dok zamjenik direktora ima neuporedivo manji stepen prava i obaveza. Iz navedenog proizilazi da, odgovornost direktora i njegovog zamjenika ne može biti ista za nastale probleme u radu nosioca osiguranja, rezultate rada i druge poslove u provođenju penzijskog i invalidskog osiguranja, zbog čega se nije preduzimala ni ista posljedica u vidu razrješenja.

S poštovanjem,

Dostaviti:

- Naslovu
- Edita Kalajdžić, sekretara Vlade FBiH

Veza: akt broj: 03-04-791-32/2023 od 12.07.2023. godine

- a/a

